

**Odo**  
**à**  
**Mistral**  
**Jean Gavot**

**21 mai 1954**

**Centre International de l'Écrit en Langue d'Oc**

3 Place Joffre, 13130 Berre L'Étang

<http://www.lpl.univ-aix.fr/ciel/>

**C.I.E.L. d'Oc**

# ODE À MISTRAL

**Jean Gavot**

**21 mai 1954**

## A MISTRAL

O! vous lou sage,  
O! vous lou mage,  
Que Diéu nous a douna!  
De que sarié Prouvènço  
Se noun erias nascu,  
Se noun avias viscu,  
Se noun avias sachu,  
Se noun avias tengu?  
Anequelido e apaurido  
E dins soun èime e sa fierta  
L'avès troubado e aparado,  
En glòri aussado,  
E ensinado  
I prouvençau desavia.  
E nosto lengo matrassado,  
Pèr lis arlèri mespresado,  
Dins lou patouès qu'èro toumbado,  
Coume l'avès mai enaurado!  
Benesi siegue lou jour,  
Jour de clarta e jour d'amour,  
Qu'au soulèu de voste Maiano,  
Dins la vido vidanto païsano  
Durberias vòsti ciho  
En fàci di bluios aupiho.

Urouso vosto famiho,  
Urous lou brès que vous a bressa  
E lou bon la qu'avès teta;  
Urous l'enfant que fuguerias  
Abari dins la pas  
E dins lou soulas,  
Dins lou crèire  
Di rèire,  
E dins lis esperanço,  
E dins li benuranço  
De nosto fe crestiano  
D'aquéli de Maiano  
Au terraire estaca  
Qu'avès sèmpe ama,  
Qu'avès sèmpe canta.  
Terraire de lumiero  
Tant bèu qu'uno preguiero!  
E urous enca mai lou pople de Prouvènço

Dins sis ancian e sa jouvènço  
Que n'en sias lou sauvaire,  
E que n'en sias lou paire,  
Au dela dóu toubèu  
Dins nòsti cor fidèu  
Pèr toujours enliama  
Pèr tant d'amour leissa.  
O, paire de la patrìo!  
Lausa siegue voste noum!  
Dins li jas, dins li mas,  
Dins la pas di dous bos d'òulivié  
E di blànqui flour d'amelié.  
Pèr l'or escrèt dóu blad madur,  
Pèr lou courau dóu sant vin pur,  
Pèr lou fièr mistrau pouderaus,  
Pèr lou Diéu Rose ufanous,  
Lausa siegue voste noum!  
Divin pouèto dis armouniò  
De la Prouvençalo matrìo!  
Pèr lou cèu linde, lou gai soulèu,  
Pèr li mount e li planestèu,  
Pèr lou riban de l'Arlatenco  
E la crous d'or de la Canenco;

Lou tambourin escrincela,  
Lou flahutet tres fes trauca,  
Pèr lis estivalo cigalo,  
Pèr lou bouisset verd de l'ivèr,  
Pèr la calandro dins lis èr,  
La sentourousa ferigoulo  
E lou perfuma roumanin  
Au long de secarous camin;  
Pèr lou ciprès e la piboulo  
Que pounchon vers lou cèu  
Un aguious cimèu;  
Pèr lis ouratòri beni  
De nosto maire dóu Paradis  
E de tout li sant de Prouvènço,  
Que flourisson dins la lusènço  
Di matin clar di rouguesoun  
Li bòni gènt dóu recantoun,  
Païsan i mans atravalido;  
Pèr lou fum siau de la bastido  
E dóu fiò atuba au fougau,  
Pèr lou mètstre fièr de l'oustau,  
Pèr lou bourgès e l'artisanso,  
O noste paire de Maiano!  
Pèr lis èrso de la mar blouso,  
Pèr li restanco soulèiouso  
Pèr lis ermitòri quiha  
Sus li coutau ventouleja;  
E pèr li pastre  
Dins lou mentastre  
E l'esparsset  
Gardan l'avé;  
Pèr li santoun de nòsti crècho,  
Pèr la flamo, que mounto drecho  
Dóu cacho-fiò de nadau,  
Pèr lou gros soupa calendau ;  
Pèr tout ço que grèio e que viéu  
En terro nostro, benesi Diéu,  
Que voste noum siegue lausa!  
E aro dins la pas dóu toubèu,  
Mau-grat li plueio e li soulèu,  
Emai li cop dóu fèr mistrau,

Poudès dourmi tout siau  
En esperant lou grand revèire  
De tóuti li felen e de touti li rèire,  
Dins la celèsto eternita :  
Au daut de la capoucho blanquinello,  
E dins la lus de Santo-Estello  
Lou Sant signau es fa!

**Jan Gavot.**

Tèste integrau

# C.I.E.L. d'Oc

**Centre International de l'Écrit en Langue d'Oc**

Sèti souciau:  
3, plaço Joffre - 13130 Berro.

Tóuti dre reserva - Tous droits réservés - All right reserved.

© **Centre International de l'Écrit en Langue d'Oc -2000**

© Adoubamen dóu tèste, de la meso en pajo  
e de la maqueto pèr Tricìo Dupuy,  
en sa qualita de Direitriço  
dóu Counsèu d'Amenistracioun  
dóu CIEL d'Oc.

